

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XXXVIII.

[urn:nbn:de:bsz:31-122751](#)

enim judico frugiferum fore Ecclesiæ. Vale in Christo JESU. Basil. 25.
Junii, Anno 1556.

T. Sulcerus.

XXXVIII.

S. D. Reverende vir & carissime Frater.

Non dubito, te quoque crebris gemitibus optare, ut aliquot pii & erudi-
ti de Ecclesiæ vulneribus colloqui possint. Id ut fiat, diu jam Prin-
cipes quidam moluntur. Quorum etsi consilia impendientur, convenire ta-
men aliquos privatim necesse erit. Quia de re velim, te mihi & tuum con-
silium scribere. Nunc autem commendo tibi hunc adolescentem, Sigismundum
Prettenholtz, natum in Marchia. Patri ejus autoritatem prudentia &
virtus tantam peperit, ut apud sapientem Principem Marchionem inter præ-
cipuos consiliarios sit. Præcipue autem tuetur doctrinæ studia & fovet Ec-
clesias. Ipsius etiam Sigismundi natura doctrinarum capax est, & modesta.
Auditurus est Sturmum & alios eruditos lectores apud vos, quibus ut eum
commendes, te oro. Refert enim scire, qui sint hospites. Optat autem Pa-
ter, siceum vobis probari, ut aliquanto post adjungatis ei discipulos aliquos,
quos erudiat, aut cum quibus in Galliam proficiscatur. Si pater intelliget,
vos erga filium officiosos fuisse, majore curâ & ipse ornare Ecclesiam &
nostrum gregem tueri studebit. Quare vos oro, ut hunc adolescentem &
complectamini, & ornetis. Mitto tibi exemplum enarrationis Epistolæ ad
Romanos, quod legas, ut Judex, & judicium mihi tuum significabis. Bene
vale. Die Festo Jacobi Apostoli, Anno 1556.

Salutem vobis omnibus opto.

Philippus Melanthon.

XXXIX.

S. Accepi binas tuas, mi suavissime Marpachi, & gratiam habeo pro officio.
S. D. Petrum Martyrem ipsi vidimus & convenimus, quem video virum
tentationi profecto gravi indulsisse: quando, qui secundo à vobis exul rece-
ptus, inque honestum locum constitutus, non ante prætendit, se legibus ar-
ctioribus idque contra conscientiam constringi, quam cum locum videret &
conditionem apud Tigurinos oblatam. Dominus ergo benè vertat, & affectus
impotentiores, qui solus potest, ipse moderetur, benedicatque ecclesiæ, his
tam